



**C**onradus ex nobili familia de Depffholt na-  
 tus, ob uitæ integritatem Episcopus Osna-  
 burgensis electus fuit, eo tempore cum Basilien-  
 se Concilium inchoaretur. erat autem tum episco-  
 patus ille plurimùm turbatus, atq; multa loca ab  
 ea Ecclesia abalienata. Itaq; Conradus partim sua  
 prudentia, partim armis labascentem eius Eccle-  
 siæ statum egregiè restituit, plurima loca recepit,  
 atq; cōtra aduersarios fortiter defendit. Sicq; tan-  
 dem factum ut ad uberem senectā magna gloria  
 huic loco præfuerit, atq; successorib. multò excel-  
 lentiorē & ditiorē, q̄ ipse acceperit, reliquū erit.  
 Fuit is primus Episcopatus à Carolo Magno in

Saxonia erectus, atq; S. Viihon eius loci præsul constitutus. eius successores,  
 quantum fieri potest, ex Crantzij Metropoli subiiciemus.